

**Allannguutissatut siunnersuut**

uunga

**Inunngortunik toqusunillu, iliveqarfinnik ilisinernillu nalunaaruteqartarneq pillugu  
Inatsisartut inatsisaat**

Aappassaaneerneqarnissaanut Naalakkersuisut saqqummiussa.

## § 9-mut

**1. § 9, imm. 2, imatut oqaasertaqassaaq:**

”Imm. 2. Ilisisoqassanersoq toqusulluunniit timaanik ikuallaasoqassanersoq aamma palasi ilisinermi peqataassanersoq (oqaluffimmit ilisineq) imaluunniit palasi peqataatinnagu ilisisoqassanersoq (oqaluffiup avataanit ilisineq) ilisisarnermi oqartussat qinnuiginnittoqarnera tungavigalugu aamma §§ 10-mi 11-milu malittarisassat isiginiarlugit aalajangissavaat.”

## § 12-imut

**2. § 12, imm. 2, imatut oqaasertaqassaaq:**

”Imm. 2. Pissutsit immikkut ittut tamassuminnga tungavilersuisinnaatitsippata imm. 1-ip saneqqunneqarsinnaanera pillugu Naalakkersuisut malittarisassiorsinnaapput.”

**Allannguutissatut siunnersuummut nassuiaatit****Nalinginnaasumik nassuiaatit**

Allannguutissatut siunnersuut saqqummiunneqarpoq inatsisissatut siunnersuutip kalaallisoortani kukkuneqartoq paasineqarmat. § 9, imm. 2-mi kukkusumik innersuussisoqarsimavoq. § 12, imm. 2-mi, ”§§ 10-mi 11-milu malittarisassat isiginiarlugit” amigaataavoq.

Allannguutissatut siunnersuuteqarnermi siunertaavoq inatsisissatut siunnersuummi kalaallisut oqaasertaliussat aaqqiiffigineqarnissaat.

Allannguutissatut siunnersuut inatsisissatut siunnersuutip danskisut oqaasertaanik allannguuti-taqannilaq.

**Allannguutissatut siunnersuummi aalajangersakkanut ataasiakkaanut nassuiaatit**

## Nr. 1-imut

Aalajangersakkap nassataanik siunnersuutip kalaallisut oqaasertaani aamma takuneqarsinnaavoq ilisisoqassanersoq toqusulluunniit timaanik ikuallaasoqassanersoq aamma palasi ilisiner-mi peqataassanersoq ilisarnermi oqartussat aalajangiinermi §§ 10-mi 11-milu malittari-sassat isiginiassagaat. § 10-mi aalajangersarneqarpoq toqusoq ilisaassanersoq imaluunniit ikuallanneqassanersoq pillugu aalajangiinermi suna pingaartinneqassanersoq. § 11-mi aalaja-ngersarneqarpoq toqusoq Kalaallit Nunaanni Ilagiinnut ilaasortaappat imaluunniit Kalaallit Nunaanni Ilagiit avaqqullugit upperisarsioqatigiinni allani ilaasortaappat oqaluffimmit ilisaa-sinnaanera pillugu ilimagisaqarnissaq.

## Nr. 2-mut

Aalajangersakkap nassataanik siunnersuutip kalaallisut oqaasertaani aamma takuneqarsinnaavoq pissutsit immikkut ittut tunngavilersuisinnaatitsippata § 12, imm. 1-ip saneqqunneqarsin-naanera pillugu Naalakkersuisut malittarisassiorsinnaasut. § 12, imm. 1-imi aalajangersarne-qarpoq § 9, imm. 2-mi pissutsit taaneqartut aalajangerneqarsimatinnagit ilisisoqassanngitsoq imaluunniit ikuallaasoqassanngitsoq toqusup timaanik.